

後

鑒

錄

西河合集

後鑒錄

卷一

燕武年賊

陳未定

唐賽兒

宣德年諸賊

夏旭

葉宗留鄧茂七

黃蕭養

康縣胡趙成

劉千斤

李翁子

寶龍洞賊

石城土達清

匹

卷二

河北賊劉六劉七趙風子等

四川羣盜

劉烈

藍五等

方四廖麻子騎老人

江西華林東

鄉靖安大帽山諸賊

桃源洞

萬年縣新民

卷三

橫木左溪桶崗三寨

洞頭寨

柳桂賊

馬子

賊王堂

山西清羊山賊

卷四

卷四

海賊良璠 田斌妻 師尚諡 廣東賊張璉等

吳平 曾一本 大足賊 萬羊山賊 固禮

巢賊 撫民 林浯梁 梅堂 鈔女國 天慶年

諸賊 艾山賊

卷五

李自成

卷六

張獻忠

卷七

海賊劉香考 顧榮 廣東山賊 山東賊李青

山 袁時中 劉超 徐燭蕭之賊 河南諸寨

許都 湖南天王寺 牛寨 猴寨 高爺 源業 蔡源

善賊 河上孟三

西河合集

蕭山毛奇齡

字大可
又名莊

王培生公藏
昂天翻扶上較

後鑒錄一

自古治政失而莠民起世鮮淳剛則負乘致寇何代
蔑有然大抵開國草昧不過如東海呂毋瑯琊子都
之屬而迄乎既衰黃龍白波因運窮發流漫漫皆稱
費驅殄卒未有初起探丸既成斬木而國家大命卽
于此操搆如有明二百餘年開者或謂全代規模定
于創始成祖尅意繕耒整軍飭旅窮邊絕幕其神明

區畫全在乎是故終代雖多邊患而尤不以是喪其國步至若中原小寇藐朕不問卽末樂初年廬陵縣民嘯聚劫殺第敕都督韓觀諭使散去而大寧桂林諸盜其屢降屢叛如韋香等已經兵部叅奏尚降敕部院以爲天下無事不常用兵故廣東賊鍾均道自建文時弄兵延至末樂譌傳已死而唐賽兒餘黨名爲撲滅究之賽兒翻未授首貽謀不靖遂致丹毒故遷延一十七朝薇苻草竊涓涓不絕而其後頓成江河之勢成敗之相形分于崎重然乎否與夫安邊禦寇原與軍政相表裏明初兵力在邊而各省衛所半

保名募行軍之際。儲屬之都司。職掌凡布。按以下。輕
爲弁官。不肯相下。而一當無事。便置若疣。贅都司本
非干城。卽衛所武士。皆無紀律。步伐可當禦侮。雖新
設巡撫。互相筦轄。而行移體統。間又多齟齬。故盜賊
起卽易聚。而聚卽難散。縱其後勢不得已。或間用禁
兵。而旣而禁兵亦弱。卽間用邊兵。而旣則邊兵亦弱。
夫至邊兵弱而事不可問矣。且邊兵弱則邊事倍亟。
雖力足勦賊。亦左支右吾。不能兩用。况乎其本弱也。
然而正嘉之際。盜賊尤劇。兵力之弱。見于此。時顧卒
能遏絕亂略。以返于清。平時則咸寧。新建。葦。實。克。勘。

之則豈非明之多盜賊以明之無兵而明之亡則又
以明之無人也與昔建溪謝給舍作後鑒錄大抵輯
明代治盜始末定爲爰書以示鑒戒語曰前事者後
事之鑒蓋致寇得失正有國所宜鑒也予少丁喪亂
往往承故老舊聞由闕獻而上遍採二百餘年間所
記羣盜彙積成帙將以備史文之擇而承乏編纂頗
見搜錄則殷鑒在前毋庸再諱因仍存故本而裝以
給舍所錄舊名曰後鑒錄亦曰夫猶是當日之爰書
焉爾

洪武十四年程鄉縣羣盜起南雄侯趙庸帥兵擒斬

賊首偽萬戶饒陸海等一百五十人其年冬延安侯唐勝宗帥兵討衢處溫山賊擒賊首吳達二葉丁香及其黨四千八百人盡殲之嗣後有何迺有高福興田九成僧人李普治皆能殺知縣抗官軍攻城略地然隨起隨滅此皆洪武年驅除後初起之賊

末樂初有龍溪民陳未定負險爲寇略傍縣累歲不能制知縣劉孟雍以計掩獲之雍南昌人他賊惟鍾均道爲劇然出沒無定形或云鍾道死至十八年而山東有唐賽兒

唐賽兒者蒲臺民林三妻也兒時能刻紙爲人馬使

戰鬪自號佛母預言成敗事頗驗往來益都安丘卽
墨壽光諸縣相煽誘奸民董彥杲爲號召諸衆得五
百人據益都卸石棚寨青州衛指揮高鳳領兵捕之
敗績都布按三司遣人招撫卽殺招撫者未樂十八
年上敕安遠侯柳升勦之賊詐遣乞降云寨中食盡
且無木升往據東門汲道而賊夜西出襲官軍營殺
指揮劉忠升急追擊獲賊黨劉俊等男婦百餘而賽
兒竟遁賊黨賓鴻攻安丘官軍不能敵有備倭都指
揮衛青聞安丘圍急率千騎晝夜行奮擊敗之賊將
餘衆再戰城中人亦鼓譟出擊賓鴻遁去殺賊二千

餘人生擒四十人皆斬之既而柳升至青迎謁升怒其專制拚出之青不爲屈而是日燕山衛指揮王貴亦擊賊于諸城殺賊盡上乃下升獄而令捕賽兒久不獲慮雍髮爲尼或混處女道士中盡述山東京尼及天下婦女之出家者先後數萬人後果于尼中捕得之初賽兒夫死祭墓回經山麓見石婦露石匣角發之得妖書寶劍遂通曉諸術劍亦神物惟賽兒能用之至是捕得將伏法怕然無懼色裸而縛之臨刑刃不能入不得已復下獄三木被體鐵鈕繫兩足俄皆自脫遁去自三司以下及將校諸官皆以朱寇

死而賽兒不知所之。

深陽人錢質死而復生見李老君曰子福人也可以圖大事遂聚衆反宣宗命襄城伯李隆捕斬之其他宣德年諸賊前後討平者有慶遠韋敬曉青田陳才末新蕭彥真會昌朱南政南鵬及妖僧李舉等。

夏旭與隣人爭田格鬪爲飛瓦所中大怒呼莊丁圍其家殺二十五人官役捕之殺官役旭末豐人末豐縣丞以百人往諭不聽且執丞撻之而醉以酒縱之歸其語丞自稱都督捐子弟曰是皆捐揮官宣德九年上聞奏曰此在人耳遣刑部侍郎魏淵諭之而令

都督任禮率禁兵五千隨其後曰假爾強者繼以兵
加果爾強兵隨至故匿其精銳而以屏卒搜其前旭
笑曰是紙人馬耳忽精兵自後排柵入縱火旭從烟
焰中鼠竄被縛梟于市

慶元葉宗留曾於正統初與麗水陳善恭盜福建寶
峰場銀坑有司捕治不獲至十二年遂大聚眾掘少
陽坑數日計所獲裁給口食棄去復率眾之雪山徧
掘諸坑場無所得還慶元居數日更往政和掘少亭
坑亦如之乃慷慨謂其徒曰以吾之眾卽攫金子市
何所不得乃至疲絕壑捐生命給此口食豈吾數百

人中無一人宜富貴者。遂據政和縣而還。慶元號
名得數千人。拜龍泉長葛山人爲教師。教以武藝。由
浦城劫建陽。所過焚掠。從者日益衆。乃攻下建寧府。
殺參政張瑛。橫據車盤嶺諸險。官軍無如何。其明年
福建沙縣有邵茂七者。本江西人。亡命入福建。至寧
化。依豪民陳正景。聚衆數百人。反。先是巡按柳華機
州縣嚴什伍保甲。茂七與弟茂八皆編爲甲長。嘗伺
人田例輸粟主家。茂七獨令田主來領粟。去田主訟
之。官官令繳茂七來。茂七不受縛。乃下巡檢勾攝之。
茂七殺官軍。并殺官軍之追捕者。烏合數萬人。自謂

閩王與陳正景劫上杭還攻汀州正景爲推官王得仁所殺而茂七黨盛不可制乃據柘關劫商旅陷光澤邵武順昌諸縣會福建縣政宋彭倚中官勢貪黷民不堪命尤溪蔣福成反襲尤溪據之與茂七聲相聞遂同剌州縣至延平御史丁璫遣同知鄧洪帥官軍勦之盡殲官軍二千人丁璫乃遣使招諭約免死茂七笑曰吾未中死法而煩預爲我免之何也愛使者據延平之沙縣更稱剌平王設官屬而御史黃海初至延平統兵四千人往勦至雙溪口道隘城二十人伏村店兩傍俟兵過且盡有都指揮後殿將至賊

伏猝起舉排柵塞路縛都指揮前驅不得返遂殺都
指揮及從兵數千人前驅還禦賊砦山拒泉噴而下
官軍大潰乃進攻延平都指揮范其彭璽俱戰死御
史以聞上乃召都御史張楷偕都督劉聚陳榮討賊
張楷師至浙浙撫請楷先擊葉宗留而後入福建乃
陳斬宗留楷未知也時陳榮亦戰死楷入延平會茂
七破泉州殺知府熊尙初勳久無功詔寧陽侯陳懋
爲征南將軍統保定平江二伯及都督尙書太監等
合兵進討亦不利張楷乃陰致賊黨黃琴羅汝先爲
間謀誘茂七攻延平設伏挑之佯敗賊乘勝渡浮橋

海城關廂伏發礮作合擊之大賊茂七中流矢死斬其首露布以聞餘賊猶擁茂七兒子鄧伯孫與女賊廖氏偽號女將軍者聚後洋廖氏歐寧人妖潘善劍尤驍捷初以禦賊被肉爲伯孫婦至是亦出戰平江伯陳豫指揮王鉞勦獲之賊平張楷乃班師經浙復勦處州賊陶得二麗水賊陳鑿湖等皆誘降急詢葉宗留所在始知前陣斬緋衣者卽宗留也先是宗留據車盤時得二以數千人歸宗留而鑿湖與宗留同爲鎮賊殺參議竺淵忽與唐其等四百人以紅袂裹首奔附茂七得二攻處州殺都指揮沈麟參議耿定

僉事王晟副使陶成而鑿湖掠福浙江西諸境殺都
指揮吳剛都督陳榮知縣鄧顥推官王得仁指揮龔
禮卽楷所統兵如韃靼回回諸勁旅皆以征二賊殺
傷殆盡至是宗留茂七死用間諜誘之始歸命籍其
黨凡九千餘家男女各二萬餘口後景泰改元侍郎
孫原貞以福浙界多盜請併浙界麗水青田二縣置
雲和宣平景寧三縣而增福界置永安壽寧二縣
黃蕭養者南海沖鶴堡人也以行劫械都司獄中踰
年所臥竹床生枝葉果成異之曰此瑞徵也時同禁
重囚數百人皆山海盜蕭養陰相結賄獄吏飲酒得

攜物出入禁稍疎遂藏斧燔勑中內之而伏其黨獄
門外至夜脫聚囚械出之斧破獄門大呼內外響應
如數千人者劫軍器局得兵仗挺而走諸司各墜石
拒門不敢動遂開城出奪船屯于縣東之扁村近萬
人正統十四年八月間廣州總兵官安鄉伯張安以
醉戰舟中溺死而都指揮僉事王清從高州來援至
沙角尾木淺舟膠賊載柴小艇若魚鹽者伴避賊奔
逃近舟清問賊何在賊從柴中應聲曰在是遂縛清
以刃脇之跪廣州城下使呼啟門千戶錢惠出城頭
罵清賊移清跪他所呼如前惠又援弓射之賊前清

無用殺滑賊初起無械至是得官軍火鎗諸器勢益振據五羊驛爲行殿僞稱順天王改元東陽署其徒都督指揮等官乃以舊叅議楊信民有德丁民廷議遷信民撫廣諭諸賊賊已約降而信民驟死詔遣都督董興出勦益以廣西江西兵賊圍城八閱月方造雲梯呂公車將攀堞上而援兵適至時天文生馮軾隨行占時曰進兵夜見賊星墜南岸軾喜曰破賊必矣遂逆戰于大洲頭果大破之殺溺萬餘人蕭養中流矢死梟其首其餘僞總兵五府都元帥慶國公會賢等百餘人竝伏誅惟黃公麗南窺引山獠海寇爲

亂陷欽州降于交趾董興駐廣城不出禦遣都指揮
杜信與戰死之參政謝祐副使項忠復遣指揮張通
出戰亦不勝于是以王勣總督諭撫輯麻而自勣而
後曰馬昂曰葉盛皆有戰功然隨僕隨熾及韓雍大
征至用兵二十餘萬而其禍始息當是時去蕭牆之
死已十七年矣

天順四年八月藤縣民胡趙成因事充軍遇準造妖
言構集山賊攻陷諸縣治燒劫官解殺劫諸軍民估
商轉賣家寨巡檢而解其印廣撫葉盛統務政范信
副使雷復都指揮韓瑄指揮張錦王銘諸官兵擒斬

成等三十三人賊平

鄖陽大盜劉千斤以成化二年反先是鄖地多山道積盜叻初鄖愈以大兵勦元世山賊空其地禁流民不得入正統中歲飢飢民徙入不可禁久之至數十萬千斤在其中千斤名通河南人多力手舉西華縣治門石獸重千斤因號千斤曾住房縣與妖僧尹天風往來已有密謀而是年石和尚卽石龍與劉長子苗龍苗虎者刑牲將舉事千斤遂要之同反踞大石巖樹黃旗拜石和尚爲謀主攻掠河南南陽間西至漢沔東至新黃皆散據其地稱王僞號漢建元德慶

署將軍元帥諸官尚書白圭撫寧伯朱永督諸軍進討至南漳湖廣總兵李震以土兵來會乃先分兵由間道出賊後而後以大軍臨之賊數萬迎戰屬永病圭督震分兵截勦大破之生擒數千斤懸酋等二千八百七十餘人陣斬二千五百六十餘級所獲賊屬子女計一萬一千六百餘口馬畜無算而劉長子石和尚遁去既而未病愈更帥兵搜餘賊而石和尚復西出繞劫巫山大昌諸縣殺夔州總判王棟復張甚圭遣參將管信指揮張英誘長子縛石和尚降磔之遂班師其後餘黨有常通王增張石英張剛等六

百餘人皆以次就擒而李翁子取烈

李翁子新鄭人名原寓居葉縣能到千斤及千斤數
翁子與王彪走免糾合餘賊小王洪石歪牌往來南
漳內鄉渭南重號各飢民至數萬人僞稱太平王立
一條蛇坐山虎名號官軍戰不勝成化七年都御史
項忠全李震進討先張榜招飢民使棄賊自歸而後
湖永順保靖土兵大殺賊擒李翁子于竹山縣餘黨
俱俘斬殆盡其招集飢民得檢籍出山者共九十三
萬八千五百餘口而湖處賊中俘斬者無算忠遂以
多殺被謗其後祭酒周洪謨著流民說其略曰昔條

地理志見東晉時廬松之民流至荊州乃僞置松滋縣于荊江之南陝西雍州之民流聚襄陽乃僞置南雍州于襄西之側其既松滋遂隸于荊州南雍遂併于襄陽此前代處置流民之成法也今之流民百倍于昔而鄖陽曠土常湖廣河南陝西之界溪山大谷所在鳩聚今使聽其近縣者附藉遠縣者設州縣以撫之置官吏編里甲寬徭役而流民皆齊民矣都御史李賓上其說而北城兵馬史目文會復條上三事一則荆襄地饒流民附籍則給以土田一則流民襁處防禦恐疎當鎮以軍衛一則鄖陽上游地廣山僻

當多設府縣於總隘之處以互相統攝上命都御史
原傑經略其地且盡採諸說行之乃開設鄖陽府置
湖廣行都司衛所及縣以處流民得九萬六千餘戶
兼設巡撫而割竹山地置竹溪縣割鄖津地置鄖西
縣其在河南則割南陽汝州唐縣地置南名桐柏伊
陽三縣而陝西析商縣地爲商南山陽二縣又以商
縣爲商州使所攝流民各有屬

寶龍廟賊楊輝者羅剽寧餘黨也劉寧攻程鄉爲官
軍所殺而輝逃安遠聚衆數萬于嶺北界上時征大
藤峽官軍遠調不及勦因而愈大副使毛吉曾以勦

賊有功於成化收元降旨凡有賊地方敕吉同總兵
巡撫三司督調官民人等相機勦捕其領軍官員有
不聽調遣者得巡問治而巡撫以下謂吉副使任過
重忌之凡前後調遣故不應吉自料民壯弁旁近所
兵得千人而海康縣知縣王賦請從遂攻破寶龍諸
峒擄其巢且追殺餘賊于雷廉惠韶諸處至雲岫山
以深入無援戰死吉遂遇害然賊亦勦盡廣州民
立祠思之曰可憐雲岫山

土達滿四故元平涼衛萬戶把丹孫也洪武中把丹
來附授平涼千戶散其部落于開城諸縣號土達成

化初李來毛里孩犯塞土達李俊者畏其殺略獨以
羊酒奉亭來亭來喜賜之馬俊遂心動致仕都督張
泰畜牧鳴沙洲土達張把腰偷其畜奉聞于巡撫而
縣民迎衛者匿滿四所巡撫并下吏檄平涼指揮滿
璿捕張把腰滿四而滿璿者滿四侄也相持倉皇間
會參將劉清新到官指押馮傑參土達金錢爲僞官
儀李俊率欽頭悻悻到四家惡言激四使劫璿爲亂
四遂劫璿殺其衆號召土達于成化四年六月奔石
城石城者唐吐番石堡城也去平涼千里在萬山中
四面斗絕無徑懸繩而登山西頂不可容數千人而

環以塼牆高二三丈顧乏水山隙有石甃可鼓甃當
棧道棧外築小城護之前臨危坡高數仞如拱壁者
而凡山面背左右悉築城高二丈五尺各留小門僅
容一騎環城皆亂山形甚惡昔人所謂石堡險固非
數萬人勿克者滿四營圍獵至此美其地又先此營
掘地得前代行帥府印以爲瑞至是據之滿四名招
賢王李俊名順理王攻固原李俊戰死劉清自靖鹵
來戰不利四益糾隆德靜寧會寧諸土達至萬人遷
撫陳价與鎮監黃泌寧遠伯任壽合都指揮邢瑞申
澄率各衛軍往攻戰于城下復不利殺傷指揮王震

等二百餘人遂命副都項忠都督劉玉都指揮夏正發京營神鎗官軍五千并討甘涼延綏寧夏陝西軍共五萬往討未至陳价任壽者耻已之敗而又忌項忠與延綏兵得專其功適寧夏總兵廣義伯吳琮先至卽邀琮自固原趨蔡祥堡夜二鼓軍壘甫定比曉卽出兵去石城十里賊數千出迎請降有軍校傳信知兵言于陳价曰賊巨剽然我軍力疲未足戰不如姑聽彼稍休徐議攻討吳琮此不可遽磨兵進賊遁去至城驅牛羊數千在前而精兵後出時尚無兵仗持木梃聞官軍大敗任壽吳琮俱退保東山陳价欲

自殺左右救免時賊截靖寧掠秦甘肅糧運聲言窺
陝項忠至并救陝撫馬文升協勦先于營外得賊書
求宥罪長居石城衆知爲詐乃圍其山谷形狀分七
路進兵忠與文升劉玉屯中路由莽金佛溝進延撫
王銳參將胡愷由李俊溝進伏羌伯毛忠由木頭溝
進參將夏正由亂麻川進都指揮姜成由墨城子進
副將林盛由好水川進都指揮張英由驢母川進賊
迎敵延綏兵失利毛忠先登奪諸峰要害斬獲甚衆
忽中流矢死朝議洵洵忠文升合計日夕賊窘賊
素信神神降曰戰決于今日勝則利不則斃不勝賊

大懼請降忠但納滿璋而餘不許賊猶豫復上山請
戰忠乃劫賊將楊虎狸爲內應解所束金鈎賜之遂
擒四後賊復立舊遠官火敬爲主忠進戰火敬走時
滿四從子滿能寂馳捷與俱忠追捕詢之賊黨滿洪
洪云火敬與能入青山洞忠用火燻之俱就擒遂刻
平石城勒石壁紀功而還寂後簪帶山賊毛吟喇亦
賊黨張幕薦居越一年官軍勦擒之伏誅

西河合集

蒲山毛奇齡

字大可，號龍溪，又名生，號

王璠，同王較，年有柯亭較

後鑿錄二

正德四年畿南盜起時逆瑾用事瑾欲盜亟靖分遣御史齊昇殷毅薛鳴鳳于天津真定徐淮諸處專事捕盜例御史出巡無家口至是許攜妻以減賊爲限鳳鳴至歸德挾守備會飲聚娼歌舞謔爲徐州已手殺在天津不事事獨齊昇奏立什伍連坐法盜賊捕獲無慮日每械盜入真定用樂部前導繞吹金鼓

不絕于耳。遂進果食，都仍捕盜。先是，霸州文安縣大盜張茂家有重樓，覆壁多穿窟穴。同時劉六、劉七、李隆、楊虎、齊彥名、邢老虎輩皆附之。內官多文安人，茂善賂，隣有北城張氏爲太監張忠族，茂謬爲已族。兄事忠，嘗因忠家人入豹房，觀上蹋鞠，意自得。河間參將袁彪數敗賊，茂寤爲求解于忠，忠置酒私第，召彪與茂東西坐，舉酒屬彪，彪字茂曰：「此彥實吾弟耳，無相訛也。」又舉屬茂曰：「袁將軍與爾好，今後爾毋擾河間。」彪畏忠，不敢誰何。及甯杲至，惡之，密遣巡捕李主簿作爲優人，彈琵琶入茂家，具得其奧，突率健就案。

掩擒之鉄折其兩股載歸餘賊走乞忠忠與谷大用
爲請于上將下赦而瑾家人梁洪索金不嘗劉六劉
七相顧謀須轉劫近境以足其數會楊虎燒燬官屏
發覺六七知事敗散去涿州州官募其能名六七協
捕有功御史蔣瑞亦賞之或勸瑞并絕禍本二人聞
颺去梟仍圖形捕二人抄其家繫梟其妻子二人窮
蹙會瑾誅梟亦被劫二人邀楊虎走附畿南者白英
招其黨攻破安肅縣劫取繫獄盜黨齊彥名旬日間
得衆數千而于是有趙風子

趙風子名鏗朔州文安縣增廣生也有力任俠好大

言類風狂者因號風子劉六攻文安鏃率妻子避賊立水中賊拽妻出水將汗之鏃怒挾巨石撲殺二賊仍拽妻立水中劉六至壯之說使降鏃心動與弟錯竊謀曰今當勉爲賊固已但毋爲人後吾先聚百人應之與之角立倘事成可指名也於是號名得五百人與六七會河間指揮李瑾統京營千人往討不能勝賊受風子教弟颺忽去來無常處使官軍奔命凡得民間馬一日夜馳數百里捷如颺風而官軍馬少卽有亦不能窮馬力尚書楊一清建言推用大將及文臣有才望者提督軍務乃命惠安伯張偉都御史

馬中錫統禁兵出戰而本兵何鑑奏禦在事宜請築
城濟陞選補軍餘錄民間武勇勿使資盜而鄉村聚
保甲團練且設兵隘口防其奔逸其所條奏俱鑿鑿
可行而偉統務縱賊中錫書生主招撫翻致大訐自
河間會後連攻博野饒陽南宮無極東明及深冀開
定諸境大肆殺掠遂從濱州臨朐臨淄昌樂日將蒲
臺武城陽信曲阜及泰安州所過無不下者乃分賊
爲二趙鳳子劉三邢老虎楊虎分掠河南各河南賊
劉六劉七齊彥名分掠山東各山東賊然縱橫莫定
所破畿南山東河南南直諸府州縣反覆蹂躪有一

縣四五至者所至輒下如無人然大抵賊俱起畿內
恃馬力馳驟不佔城郭不立方所每戰驅脅從居前
呼噪衝突聽其勝敗以爲笑樂然後自飭其精騎覘
勢進退莫可控揣且官軍利賊賂多縱舍指揮桑玉
嘗遇賊文安村賊失隊六七匿民家高樓欲自到玉
故徘徊有頃彥名持大刀勝官軍敗斃者數十人至
樓下彥名曰呼諸敗軍皆呼彥名曰賊至矣六七控
弦出射數人去何鑑勅中錫與偉被逮是時諸賊破
棗強縣殺知縣段牙屠戮寂慘乃命伏羌伯毛銳太
監各大用兵侍陸完討賊而以邊將許泰祁未等

大用節制時劉七將窺京師駐霸州許泰迎擊之賊
敗諸軍追擊至景州鑿橋賊大匆公路奔竄將趨渡
小灘河北而保定都司田彬指揮趙文出扼之敗績
副將李璉遇賊于蒙山亦敗績賊復逞楊虎趙風子
得我軍神器盔甲及蟒衣兩人遂披蟒控馬列仗陽
陽迺泰縣風子爲下馬題詩而去先是賊破武定時
傍縣皆下惟樂陵知縣許遠善守禦設伏殺賊賊畏
之上擢遠僉事兵備武定至是賊從奉安濟寧而南
歷破州縣燒運船劫倉庫執主事王寵淮安知府劉
祥都指揮潘紳指揮陳鵬靈壁知縣陳伯安以及虹

縣虞縣知縣皆被執始釋而屢過武定不敢近于是聚白龍王廟將渡河武平衛百戶夏時拒之楊虎溺死賊乃推劉三爲主稱奉天征討大元帥風子改名懷忠稱副元帥立五軍分二十八營應二十八宿各樹大旗爲號而劉六等覘谷大用毛銳駐臨海復擁衆至霸州將以十二月朔伺車駕出郊官省牲犯驛曠何鑑密畫得不犯當是時劉六劉七齊彥名劉三趙風子邢老虎凡六渠各相約分掠以牽制官軍而官軍當之輒還蟻雖前後報捷不下數十萬而指名諸賊無一殄者毛銳旣衰老屢敗而谷大用擁兵觀

望不敢戰。甚至銳臨陣奔逃。失所佩將印而大用蔽之。不爲罪。其邊將冒功如江彬。白日殺冀州民三十人。以當賊級。而莫之敢問。是以賊日橫而軍政日益壞。劉三與風子攻陷上蔡商水西平舞陽葉縣諸縣。殺知縣霍瑄。王佐。唐天恩等。破裕州。殺都指揮詹濟。同知郁采等。而屠其城。然後轉掠襄陽樊城襄陽隨州新野。以漸入南境。嘗破寶縣。僉事孫盤。資黃榜撫賊風子復書曰。羣奸在朝。禍亂海內。誅殺諫臣。屏斥元老。乞皇上獨斷。斬奸佞之首。以謝天下。然後斬臣首。以謝羣奸。故其破泌陽。以不得手。刃焦芳爲恨。

取芳衣冠被庭樹斫之而發其祖父母棺骸至釣州
以馬文升家在釣引衆去其假義如此七年春命遼
東巡撫彭澤提督軍務以威寧伯仇鉞爲平賊將軍
統延綏榆林兵勦賊澤大陳軍容責諸將退縮顧軍
政論行法建燾鼓行而前諸將皆惕易匍匐請自効
遂敗賊于河西縣斬二千級奪回馬騾器械無算風
子奔鄆陵由新鄭鄭州至滎陽汜水偃師與劉三會
河南府總兵馮楨戰死乘夜奔汝水復犯汝寧入潁
州朱皐鎮官軍追勦之前後斬獲甚衆賊乃渡河過
于河者五千人風了由光山六安州攻破舒城至桐

柏略馬爲知縣李聚所敗而總制彭澤督官軍敗風
子于六安州斬獲四百餘追至定遠應山隨州連敗
之仇鉞又敗賊于光山賊奔六安追至七里岡又追
至桐柏時邢老虎病死李鉞爲劉七所殺張通陳翰
皆降而劉三被射自焚土地坡爲官軍截首去獨風
子走德安嘆事不成行至應山東化山坡下遇僧真
安乞糲其鬚髮懷度牒與真安渡江入江夏唐虎店
晚飯爲武昌衛軍人趙成所擒而六七彥名屢敗于
邊將李鉉將北竄陸完調許泰卻未成劉連破之賊
乃由文安而下至宿遷掠邳州之卞中集遂由贛榆

過郟城復遇呂梁總兵劉暉遂擊之敗賊于勝縣又
敗賊于郭家庄殺獲數千人賊且殺且走至魚頭集
復敗之將奔海套陸完帥大軍與遇于古縣集時宜
大鐵騎咸集合圍諸軍奮勇擊斬首二千三百殺傷
三千有奇俘獲百餘賊衆殆盡而六七彥名獨挾騎
三百潰圍走乃復由靈壁而西踰棗林渡邳騎能屬
者纔三百人奔河南光山確山人湖廣乘馬登舟復
得七百人駐兵武昌殺胡撫馬炳然爲湖北官軍所
追風起檣折劉大死于水弼七與彥名仍糾水寇自
黃州九江湖口彭澤以及安慶太平儀真鎮江所過

殘滅陸完乃統諸將下揚州斬退避指揮程鵬等將
截海口而七至鎮江或泊通州之狼山或屯常熟之
福山港遂凌駕江面縱橫上下通泰如舉咸被流劫
乃復自通州泝江而上犯江西諸境復下通州游獵
每謀自通泰登岸復還山東而揚州官軍拒之乃復
自海門而上泝蕪湖采石凡三過南京莫敢抗又謀
入海由張網海口深入襄河不果忽復自湖口九江
而西寇南康進逼蕪黃光固聞謀登岸北行又不果
乃復還蕪九江安慶至石灰河口遂往銅陵時陸
完諸軍集江上都御史張縉王鎮豫酌命諫及副將

時源等分兵守要害賊復返鎮江進掠常州殺知府
李嵩還犯江陰殺縣丞余凌雲仍泊狼山下有舟三
十餘衆六七百人陸完留仇鉞駐鎮江而調劉暉邵
末以舟師趨江陰賊率衆移攻通州暉復擊之賊入
船是日颶風作賊狼狽甚復登山暉乘夜三鼓與邵
末任暉竝進軍聲震天賊披靡走山嶺懸石垣控險
鎗矢瓦石雨下暉末奮身前期以必殲皆賊盾膝行
手施礮弩且上且戰奪其垣賊墜崖奔竄有下山趨
船者船隘不得入暉反身逐崖下百矢齊發劉七投
水死彥名斬首懸文宣李隆被擒先是風子見獲時

有楊寡婦賊與劉七以百騎習利津僉事許遠擊敗
之殲其騎于楊二庄而寡婦竟遁至是賊咸索寡婦
所在不得及李隆解京獻俘與鳳子同訊午門云業
山楊寡婦爲楊虎所鹵留其營虎死入劉二營三死
與棗強小趙氏宿遷路氏安肅楊聰明隨諸賊展轉
南徙獲于隨州螞蟥村今見在俘中寡婦固未嘗隨
七卽七是時亦未嘗寇利津然後知向之所爲劉七
楊寡婦者皆冒其名而假焉者也然則賊勢亦張矣
風子曰凡吾爲此本欲旰臣數人而不能也後論
平賊功封谷大寬爲昌平伯大寬者太監谷大用弟

陸未爲鎮平伯永太監陸閏弟餘各陞賚有差
四川舊多賊先是成化中有廣安王末以行劫爲鎮
巡所撫復不悛大劫攻掠城堡殺人發蓋裁而其後
招之不得同時趙鐸者德陽人家貧貸錢賂知縣求
本縣陰陽訓術知縣受其賂而不之與鐸益貧不能
償所貸會怨家徐貴告鐸通賊縣捕之鐸曰作賊如
王末尚不能捕何通賊之有遂殺捕及一時羣賊如
天澗溝楊瓚漢川僧悟昇花溪陳煥章連山河黃鶴
子皆從之流劫銅陵內江及漢川德陽遷延至荆襄
所至莫禦僞立趙王及安將軍席評事諸號殺知州

柴良知縣劉宣上道給事中重軒撫諭軒儒者遇
賊巢慰諭賊率黃應高等流涕示心腑名與飲食給
券賊忻然有就撫者然率領券及安撫榜帖藏衣間
爲護身符公然行劫軍民無如何未幾殺都督何洪
指揮楊瑛始命襄城伯李瑾帥京營兵討之而鐸已
先爲龍州土兵所殺于是斬餘賊蔓延未斷自正德
四年起至九年止其在川東北爲藍廷瑞那木怒廖
憲在川南爲方四曹甫廖麻子喻老人而劉烈爲首
劉烈眉州人匿保寧山中爲盜自稱舉人嘗劫漢中
鞏昌還詐傳已死所至人相驚他盜多竊烈名字官

軍圖其形捕之懸重購至二千金官千戶終不可得
烈死藍五起

藍五名廷瑞與耶本怒廖惠家保寧嘗拾古寨印山
中怪之未幾又得一劍以爲瑞因名瑞而與本怒謀
作亂號名得十萬衆自稱順天王稱本怒刮地王惠
掃地王流劫耶漢養保新寧通巴諸處川撫林俊初
請勦未報賊大誼乃遣尚書洪欽出討賊鎮徘徊漢
中與俊捐畫多不合值廖惠被通江俊率官軍盤踞
羅石砦土兵督戰賊大敗走至龍灘河半渡又擊之
斬八百餘人溺死者六千有餘惠擒廷瑞本怒遁

仁壽方四爲同里王克備耕冒姓王避楊友之亂與江津曹甫遁於石阡之龍坪爲土官所逐無聊遂爲賊時重慶賊曹弼先有名人稱二曹賊二曹賊皆與廷瑞合曹弼寇碁江殺僉事王景廷瑞寇營山殺僉事王源獨曹甫者以元旦酣飲爲林俊所襲連破五營斬甫方四遁廷瑞乃大格流民從漢中入寧羗州遂攻略陽徽州成縣破其城殺千戶侯爵百戶瓦割舍人郭玘等勢復振而曹弼敗死時上切責鐘令赴保寧與俊等合勦而廷瑞復自鹽亭劫邠邊驛殺百戶賈雄及茂州知州汪鳳朝遂破梓潼魏城劍州殺

劍州判官羅明及義官王思政鄭廷祿當是時方四
已流入貴州與別賊任鬍子喻老人合至萬人已陷
婺州龍泉坪焚烏江屯寨御史陳鎬調永順保靖土
兵征之不利廷瑞趨江油將與之通而官軍逼之還
漢中值鍾與俊督大兵追勦而未順上命彭世麟進
圍之陝西界上會食竭賊出告世麟請還川聽撫世
麟以告俊俊未應陝撫藍章在軍中遣令世麟護賊
出陝境唯唯賊易之臨撫不至約曰待之東鄉金寶
寺當至屆期復不至及至依山爲營廷瑞本怒居營
中不出見弟使人來言欲得營山縣治安插或臨江

市駐其衆常川見鐘許諾未幾復曰請以官爲質而後見鐘不得已避洪中府通判葉賢質賊營于是使人來言曰可見矣然先之以本恕本恕至見畢去然後廷瑞陽陽來請見見則肆甚其言不可聞見畢運去且降且劫翼日劫松樹堰官軍見不平殺劫者賊遂殺所質葉賢而焚其屍會廷瑞欲奔畏世麟詐以所擄女子爲已女請結婚世麟世麟知其詐陽許之密白之軍門且定期邀廷瑞送婚宴廷瑞廷瑞辭以疾鐘俊囑廷瑞所親解千金說廷瑞來赴廷瑞乃帥本恕王金珠二十八人同時至至則伏兵盡擒之賊

大潰鐘俊遣諸路追勦擒斬及溺死不可勝紀而廖
麻子遁初方四合任勦子麻六兒寇葦江官軍敗之
追至東鄉捕撈壩又敗之賊乃從貴州還寇四川而
廖麻子與之合時俊憂賊勢聯屬將復盛急遣降賊
周大富招之不得而川撫高崇熙以方四家仁壽取
仁壽賊屬入營撫四四殺其族屬不聽撫俊乃統副
使李鉞督諸將分兵爲六哨由大壩小壩月壩進驟
襲賊殺任勦子追奔三十里斬首千級生擒方四妻
妾翼日賊還擊奪妻妾去遁思南境上會俊與中軍
不合乞罷許之蜀人哭送俊攀援不得而賊乃復還

攻梁山殺主簿時植并其妻至南川江津賊王長子
應之破江津縣先是方四寇蓬州制府遣副使張敏
謂賊營論撫而張敏被執賸歸至是洪鐘以被劫名
還乃命左都御史彭澤總制軍務同總兵時淵指揮
閻勳出勦已調土洪軍將戰而川撫崇熙憾土兵授
民原有賊脫髮軍被髻土兵又加剃之謠恐從此大
征民益不堪乃于八年正月間兵未出時仍誘廖麻
子聽撫遣副使張敏于開縣臨江市買田宅安置賜
復三年上其事于朝將從之而賊反大誣執敏屠殺
數百人時土漢兵悉罷遣無如何澤乃奏請急調廷

綏寧夏慶陽固靖諸邊兵合得三千人方議勦民重
被賊害而邊兵之擾民者且十倍于昔于是逮崇熙
及敏以不俟朝命罷兵褫冠帶下獄鎮守三司掌印
官皆戴罪殺賊而賊已遁誅逾半載矣澤乃統諸將
力勦成都衛軍餘范藻覘賊勢作亂先平之而方四
奔婺川爲僉事馬昊所敗變姓名潛行義官李清掩
獲之送于官廖麻子奔羅江闕勦追及于劍州之青
林口賊棄馬登阜俯而戰勦射之傷士把王臣以鐵
爬擊仆斬首麻六兒赴水死獨喻老人從金堂出奔
陳珣擊之于富村老人降旣而復遁或曰摩斬之于

竹木溝或曰老人善隱形臨賊墮于竹木溝遂不見
以爲遁云時尚獲他賊路崧祥雷伯定等

初江西建昌有醜原賊殺知縣范英不討而其後遂
有桃源洞賊洞連餘干樂平安仁貴溪鄱陽山谷深
險有王濟八者爲庫吏盜銀亡命據其中得衆數萬
人僭號署官正德五年陷安仁縣巡撫王哲參政董
朴合兵三萬討之不利指揮蔡勳與通判楊奎皆戰
死乃起右都陳金以便宜統各省鎮巡及三司官以
下調廣西田州土兵二萬人鎮安土兵一萬人進勦
而是時南昌有華林之賊撫州有東鄉之賊南贛有

大帽山之賊

華林賊陳福一破瑞州南署府事通判姜榮家屬而
參政吳廷舉會事裁敵勦靖安臨江諸賊皆失利會
廣福流賊二千人逃破永福樂安折淦諸縣執參政
趙士賢知縣申惠索贖勢大詎獨廣東程鄉賊張士
錦寇頓之安遠副使王秩通判徐珪購鄉民之與賊
通者擒士錦以獻賊遁正德七年廷舉始破華林賊
于巡河寨參議徐蕃都指揮陸湖土官岑猛岑塋始
破東鄉賊于熟塘南墩赤岸陸嶺諸處然而華林未
平而東鄉則生擒賊首徐珏五揭瑞一等陣斬一萬

一千六百七十三級俘獲七百五十餘人破二百六十五柵東鄉盪蕪惟大帽未下是役也日兵功居多然而殺兩有難言者

大帽山賊以張時旺黃鏞爲首攻瑞金縣殺知縣萬琛顛撫周南拒戰于龍牙擒時旺而義民林富追黃鏞鐵坑斬之指揮金堂等又破其六寨斬二千三百四十八級俘一百八十八人而賊尚未靖

華林敗後賊黨尚衆有羅光權者更招集沈散置十六寨復寇州縣殺人以累萬計按察使王秩副使周憲知府李承勳進勦前後敗賊于局州黃塘之間進

拔仙女寨踰雞公嶺擒斬合數千人遂薄華林時勦
之三四年不靖意在速殄而周憲信諜言謂賊飢疲
可乘勝撲滅遂深入爲賊所執過害而其子幹以援
父戰而死承勲乃陰招賊帥黃奇者置帳中令散諸
賊衆而入爲內應至期承勲挾岑猛至山下選衆五
百人銜枚登山賊營鼓三下舛睡黃奇拔重柵導衆
入明火五百人奮刀砍內應者夾擊樂而馳賊潰亂
不知所爲斬五千餘人蹂踐死者無算華林遂平而
羅光權於是時跳去復不可得

陳金進兵搜大帽山盜賊何積欽并劉斌陳鳳球等

俘斬一千七百人。時饒州有萬善山寨，地處且險，可容十萬人。夜聞金刀牌吐飲桃源洞賊王浩八將往據之，陳金督兵遏其隘，賊不得入。乃遣董朴、吳廷舉等，各分據險要，而抽日兵驅其後，毒弩張，破竹而進。已斬賊首股勇十鄉，成七等，而浩八役其捨所有，罄賂土官，遁去。沿途棄老穉婦女殆盡，行且餓，至黃溪境，得一飽，轉掠徽衢間，而日兵驅其金，藉其力，不能制。且上下皆厭兵，遂因賊乞降，許之，號曰新民。議設縣以居，奏請立東鄉爲縣，隸撫州，并立萬年縣，隸饒州，押新民其中。金乃復討華林賊，斬賊首羅光橫。

及其黨胡念二等華林亦平謂自此可無事奏聞陞
賞而浩八復叛破萍鄉縣吳廷舉禦之被執不敢害
留賊營三月出之金乃被劾以副都俞諫代勦時浩
八劫弋陽上饒聚復踰萬遂入浙開化鹵執同知楊
磐等死者甚衆總兵李鉉統兵禦之而章仁者故石
埭生員也少習妖書亡命與浩八合至是在賊中降
賊茹七知之副使胡世寧僉事高賓遣茹七統二百
人且勦且撫而茹七叛去縱兵大略執安仁縣官氏
二女將汙之不屈死已而茹七復乞撫撫已復叛守
臣不以聞臨川民陳琦連章入奏謂賊不盡滅不已

于是乃命勦時賊已在浙都指揮白弘湖州知府黃
衷軍馬金鎮叅將李隆僉事儲珊都指揮江洪嘉興
同知伍文定軍華埠以禦之賊萬餘銜馬金破中軍
執白弘去衷備以身免復術華埠不動文定乃整軍
擊敗賊追至孔埠斬賊首汪十二等二十餘級李隆
儲珊由昇口搗其巢斬一百七十級遂乘勝夾攻隆
當其前文定扼其後復斬四百級而江洪以深入被
執然賊勢已衰踰壕嶺遁還江西仍之撫且挾弘洪
爲贊按察使王秩許之令知縣龔淵等送之桃源復
叛縱兵大略時建昌千戶鄒俊戰于七公鎮暴雨休

兵賊四擊殺俊遂奔裴源連營十里而俞諫與李鉉
胡世寧高賓吳廷舉各分道進攻出賊不意大破之
俘斬千計浩八易服匿山中其黨翁亨四擒獻之他
賊奔玉山者爲知縣陳覽所獲奔桃源者爲李鉉吳
廷舉所獲賊衆略盡李鉉乃還鎮餘干而萬年縣之
變作

初挿新民王重七胡念二等于萬年縣雖曰聽撫實
懷異志其所置胥吏又多賊黨官府動息必聞而副
使李情復嚴酷衆益憤惟懼李鉉未敢發鉉卒賊乃
殺縣丞馬環于羨塘縵公私廬舍遂殺情及督捕指

揮邢世臣使州通判陳連泰平賊磨馬聰謀卒死者
無算而正是桃源東鄉及江西諸縣賊俱復發乃推
右都督劉暉代鉉討賊暉未至而胡世寧已誘擒樂
庚二陳卯四斬之參將桂勇亦先獲茹七獻俘暨暉
至乃合諸將平萬年賊及臨川桃源大池以至萬斛
峰翠壁山諸寨傍及建昌豐城高安諸縣令地方官
所在搜擊賊幾盡而宸濠方謀逆竊之論藉為用名
曰寨民于是人為謠曰賊何在在民寨王不臣賊為
民至濠以寨民反而王守仁起兵即用寨民力攻之
濠滅其禍遂息于是人復為謠曰黃河有時清寨民

可爲兵

西河合集

蕭山毛奇齡

字附開
又名廷禔

附頁仲玉
蔡文子周較

後鑒錄 三

先是陳金俞諫討江西賊間撫周討原無大懲創而
民間被害者不得雪狀請兇既不自安且易之多
覘覲鞫廢無所施復聚為盜乃以賴地險與盡聚
於是迤西有橫水左溪桶岡三寨按湖廣桂陽迤南
有洞頭寨接廣東樂昌龍川江廣湖湘之國方千里
皆亂按贛前江撫李昂于成化二十三年謂地連四

省多盜。奏設分守叅將兵備副使各一。于會昌縣以
福建三千戶所。江西南安瑞金二千戶所。隸之。益遷
民快六七千人分屯操守。而于安遠之雙橋龍南之
下歷各設巡檢司。特所以禦盜賊及弘治中鎮監鄧
原復請增設巡撫駐劄專理輯捕。當是時布政金澤
有盛名。首簡是任。韓邦問繼之。兩人者討賊皆無功。
及周南勦廣福諸賊。則仍調土目狼達往返經年。糜
費數百萬。而追勦未靖。隨撲隨熾。至是謝志珊據橫
水藍天鳳據左溪。鍾景據桶岡池。仲容據洞頭。志珊
號征南。王仲容號金龍。霸王糾黨鍾明貴蕭貴模陳

曰能約樂昌高快馬等大修戰具會逆濠陰通賊賊
益無忌乃以文森能使代由文森稱疾不赴開作
始用王守仁撫之正德十二年正月守仁至廉諸軍
役之通賊者或汰去或用爲間諜而民間通賊先立
十家牌法訊檢之乃監前上目狼逮征調蹂躪之害
自籍兵備各屬之有技者汰老弱三分之一而別選
驍勇多力縣千人補之兼署爲領事統以賢能官有
防守者有慮變出師者立兵符教習之其法有伍有
隊有哨有營有陣有軍其符有伍符隊符哨符營符
其說簡而詳具見兵志當是時守仁推任義十日法

雖且未能行也。而薄冠藉急乃移文三省。請參副
指揮會勦。移訖。卽親率副使楊璋進兵。遇賊長窩村。
與賊戰。賊敗。退保象湖山。追之。至蓮花石。對賊壘。而
軍會廣東兵。至將合圍賊。遽潰圍出。突殺我指揮。車
輜及縣丞紀鏞。去諸將。懼謂兵本未集。卽集亦未練。
是何能爲。不如俟秋期。仍請調復兵。再舉而守仁叱
之責以失律罪。使立功自贖。親率諸道兵進屯上杭。
下令曰。僑衆退師。俟秋期。再議。諸將譁然曰。何如果
如吾言。賊聞之。亦稍稍弛備。守仁方晚食。遽分兵三
路。時月晦。乘晦銜枚入。直搗象湖山。奪其陞賊驚走。

悉衆據上刑峭壁拊背而下諸將謂失勢將退守仁
麾之奮而上自辰至午相持三省兵繼至從開夾上
賊大潰乘勝追勦斬賊首詹師窩湯火燒等獲七千
餘級且預遣諸省兵遍破諸寨福建兵破長富等三
十五寨廣東兵破木竹大重坑等一十三寨賊悉平
班師時甫二月建五月立兵符練兵七月上疏曰狼
達兵不可用轉餉又困民今民兵稍練矣請假以假
官令無掣肘使號令得專一臣當相機盡滅諸賊或
曰守仁之意蓋在濠也然衆昧其意且以爲狂笑之
屢不報惟本兵王瓊許之乃先招降賊盧珂鄭志高

陳英使聽川遂勦大庾賊以其切近須先除潛師縱
火破寨十九所斬賊首陳曰能獲五百十級大庾賊
平乃集諸從事議曰諸寨爲患雖同而事勢各異以
湖廣言之則桶岡諸寨爲賊之咽喉而橫水左溪爲
之腹心以江西言之則橫水左溪諸寨爲賊之腹心
而桶岡爲之羽翼今不先去腹心之患而欲先攻桶
岡是進兵兩寇之間腹背受敵非吾利也况賊但聞
吾檄湖廣夾攻桶岡橫水左溪必覘望未備出其不
意可以得志橫水左溪破而桶岡則破竹下矣乃遣
都指揮許清自南康新溪入知府邢珣知縣王天與

自上饒石人坑白面峪入皆會橫木指揮郝文自大
庾義安入知府唐淳季敦自大庾轟都穩下入縣丞
舒寓自上猶金坑入皆會左溪唯知府伍文定知縣
張戢率兵從上猶南康分入以避奔賊守仁親率兵
千餘直搗其巢與諸軍會乃于十月初七日至南康
去橫水三十里而軍賊抗之守仁乃夜抽鄉兵善登
山者四百人人各執旗資銃礮由間道攀崖伏于近
巢左右之高巖俯而覘賊日度我兵至舉火礮應又
預遣指揮謝良率壯士夜上竊險先發其糜木榻石
仍伏賊巢爲內應十二日守仁驟進兵至十八面降

賊憑險迎敵。忽山頂發聲如雷，樹梢蔽天，起回視之，則紅旗滿山，謂官軍已據有巢穴。將棄險走而謝。吳兵亦自內呼譟殺而出，守仁磨益進，賊進退失據。大潰，遂破長龍等五寨及橫木大寨。而邢珣、王天與各破磨刀樟木、鷄湖八寨。會于橫木，磨淳被羊牯腦三寨又破。左溪大寨而郊文舒、富季敬各破獅子長泥、箬坑、西峰十二寨。會于左溪，會天大霧，雨糧竭，乃下令各營皆分兵爲奇正二哨，一前攻一後拒，用土人爲導，勦諸小寨之未下者。伍文定、張戢亦連破數寨，與守仁會賊悉平。于是議桶岡之勦，謂桶岡四

寒其所由入。惟鎖匙籠葫蘆河茶坑十八磊新池五處。然皆架棧梯壑。勢難緣登。獨上韋稍平而紆道半。月攻取未便。今橫水餘賊悉已奔入合勢。力守善戰者。其勢險其節短。使必乘全勝之鋒。兼三日之程。爭百里之利。以頓兵于幽谷。所爲彊弩之末。不能穿魯縞者。莫若移屯近地。休兵養威。使論以禍福。彼必從不從。則乘其猶豫。襲之何所不可。乃遣通賊賊罪官民李正歲劉福釋其罪。并縱所獲賊鍾明貴者于二十八日。懸壁入諭之。期以十一月一日會于鎖匙籠。聽撫賊猶豫。旣而堅持不聽。然遐遠不暇爲備。至期

遣使鎖匙籠促降而別遣邢珣入茶坑伍文定入西山界唐淳入十八磊張垓入葫蘆洞俱初一日冒雨進賊首藍天鳳鍾景方出鎖匙籠候命忽聞諸軍皆透險震愕急奔入內陞據水而陣邢珣麾兵渡張垓繼之文定統崖出賊右賊四竄將復由鎖匙籠山前奔而舒富王天與從籠口入賊乃悉衆走十八磊唐淳邊擊之賊四顧失據會日晚諸軍扼險守次日進進賊大潰乃破桶岡大寨及梅伏烏池西山界十八磊鐵木里員分大王嶺二十五寨會湖廣兵至令許清余恩留橫木桶岡以防復聚而遣湖廣兵散勦諸

寨之未下者乃破上中下新池杉木坳十餘寨又破
魚黃寨時賊盡奔雞湖穩下朱雀坑諸寨請將連破
之于是橫木左溪桶岡三寨賊俱盡賊首謝志珊藍
天鳳鍾景蕭貴模等皆而縛獻俘守仁出師凡兩川
破賊寨八十四擒斬賊首八十大從賊三千有奇俘
獲三千遂請于橫木等處建城設崇義驛以控之乃
議勦荆頭先是征橫木寨時恐三荆乘間乃使人諭
降賞以銀布諸賊心動有黃金寨賊率五百人至聽
用獨池仲容不肯從其後破橫木竟用黃金賊立功
仲容始畏之于征桶岡時亦遣其弟仲安來請從征

揣其意實欲覘動靜且乘間爲內應也守仁知其詐
下其從征遣截上新池以迂其路不使奪隘至是桶
岡破賊大懼私爲戰守具益備守仁密召近洞諸縣
民被賊害者詢之得其情各授以方略使歸集兵衆
候命而以平桶岡之故遣使勞牛酒至三洞察其變
使見賊嚴備問故賊度不能隱阜恐詭語使者曰龍
川新民慮珂鄭志高吾讎也彼將掩襲我故爲備吾
敢防官軍哉守仁作信之時仲安在軍中守仁啟戰
門公言珂等讎殺大無道移檄龍川縣廉狀且令仲
容除道候與師討珂等仲容使馳謝謂無勞官兵當

自防蓋不欲假道也。初盧珂擲志高陳英三人皆龍川新民領舊兵二千爲守仁所用故諸縣近淵則皆見勝于仲容而三人抗之仲容恨入骨至是檄龍川廉珂而珂等三人反齊詣軍門告變。曩大駑反狀大駑者仲容號也。守仁怒立縛三人將斬之曰大駑方造弟領兵報效而敢以私怨誣罔啟兵噪呼仲安來前曰汝謂其弟不在耶仲安叩頭辨守仁愠之遂械繫珂等置重獄而密使人諭獄中令無恐且令遣使歸諭珂弟集兵衆候命。十二月二十日守仁還至觀張樂大享將士衛巷皆燃燈鳴鼓下令口諸寨盡平。

吾軍士勞苦久矣宜休兵爲樂以度歲時遂令皆解
甲歸臘而遣使頌歷三利反論仲容勿撤備防珂弟
掩襲仲容初得繫珂信喜過望至是聞論則意益大
安守仁乃購仲容所親者說仲容當自投訴且曰官
意如此何可不親一詣謝仲容曰欲伸者先調理也
吾亦欲一往覘贛州所爲遽率黨九十三人皆悍角
齊詣贛宿祥符宮先是守仁撤諸路及龍川兵皆伏
集候命其論珂弟亦如之至是遣令趨泃頭而夜釋
珂等使急歸發兵然後乃出見仲容勞之張小宴令
諸官屬皆次第設犒緩其歸久之度珂已至家諸州

縣兵當赴利乃大宴于庭先伏甲士引之入盡斬之
無遺遂親率兵從龍南冷水直搗下荆時正月七日
副使楊璋指揮郝文知府陳祥邢琦季敦推官危壽
指揮余恩姚軍縣丞舒富皆從破寨三十八擒斬賊
首五十二從賊二千有奇賊乃據險伏龍子嶺官軍
爲三衛犄角進賊走余恩遇伏幾被執適推官危壽
救之賊復盡銳奔九連山山橫數百里四面陡絕惟
一面得上賊尚八百人已據險官軍不敢近乃選精
銳衣賊衣作奔抵暮至崖下賊下招之兵度險遂上
下齊擊四路設伏絕奔軼一鼓擒盡獨賊首張仲全

等二百人。匿別嶼。皆慟哭。銜土請降。遂納之。凡十日。泃平。提開仍請設和平縣。以控之。乃歸。其後樂昌盜高快馬尚集一千七百人。掠大庾南康。賴縣主簿吳此戰而死。守仁復平之。于是南嶺千里皆無賊。

彬桂在湖廣東南地多獠寇。官兵累勦之不絕。正德初。土人龔福全倡亂。稱延溪大王。其黨劉福興李斌高仲仁黎穩藍友貴俱署官據烏春山臘架諸寨。殺都指揮鄧吳安仁知縣韓宗堯。聽選官鄭志傑朱隆等守。臣以聞。時上方巡遊木省也。至十二年。湖撫秦金復以聞。乃敕金與賴撫王守仁廣撫陳奎會勦。守

仁兵素練聞命卽行秦金以參將史春領兵仍用土
官彭世麒佐之兩廣兵亦至遂練日由桂陽魚黃熱
水彬州紫溪臨武包籬堡爭險而進初破對里平石
丫髻山寨斬藍友貴繼破烏龍山斬李斌繼破大小
王山斜寮布洛角魯非山坑坎諸寨則彭世麒生擒
黎穩俘之繼破黃土烏泥二塘金雞寨聚子園獲李
斌之子李仲清繼破葉衣秀才邵家魚黃朱廣老虎
東嶺斬沈鸞時所鹵婦女穉兒無算悉放去或曰劉
福興在臘栗乘橋張黃蓋樹幟焜耀山谷問是日破
臘栗生擒之于是又破平竹木東嶺九龍江大王山

諸寨斬楊禮保。遂破牛頭天堂南延莊大烏魚跳企
山諸寨。生擒李仁才。肥海繼破曹雄坑扶喇良坑雞
公背神鎗脚長灘諸寨。又破盧田栢木白水磔下樟
溪青峒十八壘石筍峽諸寨。擒劉德才。時所燒房屋
無算。賊墮崖死者不可勝計。乃遂破上黃城背猪婆
老虎延壽黃圃斬梁景聰。方是時賊首龔福全未獲
也。乃懸購生擒五百金。斬首半之。或曰福全匿禾倉
石世麒。乃與弟世麟進破走馬山及禾倉石擒福全。
是日除夕。福全置酒飲。其別將破東坑者獲福全妻。
并從子龔秀。賊平前後計斬共二千五百五十四級。

俘獲一千七百八十人破寨一百二十所散歸者無
算惟賊首高仲仁已遁後南嶺官軍獲之廣東仁化
縣界中

論曰河北之盜與江西之賊其縱橫流漫與崇禎寇
同而遭奸莪積窟穴險阻則米脂烏合柳澗暴露未
嘗有順成弘正百餘年之久湖湘江廣三四省之梟
也然而成敗頓殊興滅相友或曰正嘉竊發當宣孝
休養之後卽繼之武宗之縱世宗之絀而榮衛不傷
崇禎擾攘丁熹廟椽喪之餘卽繼之烈皇之治而元
氣已竭其說似是而實則時無不素人有治亂向使

殷辛必嗣桀而亡。建武必繼高而興。則崇侯可戮。周赤眉不降漢矣。夫窮亂貴速而除惡務本。有明自仁。宜以後代有遺寇。豈無乘時奮興。遞相驅除而究之。根柢未斷。以漸綿蔓。其始也如斬木之有梯。析遊塵之有蝶。蟻而既則如把毳毛。如掃飛箨。如劃流水。旋把則旋生。旋掃則旋下。旋劃則旋合。且其人生不足。重死不足。輕獵。蚩蚩。非燕無關。多寡而此則一。失利而民耗餉絕。軍國且重創矣。故渥中巴郡以衆見滅。而黃巾流毒。三輔朱備。段熲數戰而殲之。此無他。樸之下無餘而收其所未散也。夫閭獻初起。原本消涓。即

其既橫亦豈無要隘之可扼而闔賊竄商洛而故關
其阻獻忠走達州而翻縱之出雖前乎此者十五年
間固全無一人可稱討賊而卽此大機坐失其手捧
河山而界之么小死且莫填而黨其人者尚欲原其
事而爲之解之則何心與故有明之亡在乎無兵亦
在乎無人·假使二正之間無項忠韓雍彭澤諸臣則
不能稍延而無王守仁則二百年之天下其不爲崇
禎之禍烈者蓋呼吸間也·吾故于守仁之勦賊可略
指之爲後世鑒者方守仁未至·賴時早有三省夾勦
之議而守仁爭之謂相賊聚散隨便撲滅則旣省征

調復免供饋必欲夾攻則計賊料兵計兵料餉糧聚
歛儲數月始辦兵未出而賊則已流竄久矣卽有所
勦非良民則脅從耳是以兵甫撤而賊復起且夫徵
調之兵百倍于賊前事可鑒也乃疏上而夾勦之議
牢不可破守仁不得已復假爲夾勦之法反覆奏辯
名雖三省而實惟一致如桶鬲近制則先湖而後廣
三洞近廣則廣進而湖退其于緩急先後多方調劑
以至於曲全夫守仁豈不欲征兵數百萬給餉數千
里爲行軍侈哉乃必爭之至再至三極至湖廣兵至
而邇之三洞旣破而廣東兵尚未聞也蓋不承廟算

不設蓋軍不用征調不需供饋不別將吏不煩記功
雖曰我戰則克學問固然然其思慮預防之苦心亦
可鑒矣崇禎諸臣不是之法而凡所爲者皆守仁之
所不爲遷延狎獵以至于敗亡悲哉若夫賊盛于招
撫列代皆然守仁云招撫之說可偶行于脇從之民
而不可常行于怙終之寇可一行于回心向化之徒
而不可屢施于乍服乍叛之黨旨哉言乎至于策畚
諸疏惟胡世寧能言之有曰舊招者不赦再叛者不
招新起者必撲噫盡之矣

廣西馬平賊周克亮嘗伐藤山中嘗大蛇咒曰他日

貴者。蠅却行。咒畢。蠅卷身退。而其妻照水。有金花插頭上。克亮戒勿泄。然喜自負。嘉靖元年。馬平飢。克亮與從兄盜礦。無所得。遂反。僭署名號。散劫馬平諸縣界。得數萬人。總督都御史張嶺以聞。遂命嶺勦之。數月平。

王堂。青州人。以盜礦起。顏神鎮殺指押楊浩流劫萊蕪。新泰。臨城。曹縣諸境。山東河南俱震。時兩省兵備各以兵少。退却。第得賊出境為幸。科臣陳時明請留山東京操軍。并調保定諸土。建官軍會勦。而賊不復聚。但往來行劫。間從曹州渡河。犯河南界。且乘河冰。

合將劫漕乃復命督漕都御史俞諫以便宜劾賊自
二年正月至三年四月始平遂請設兵備于瀕神鎮
是年安樂盜唐經亦聚眾爲壽光知縣孫峻所滅

青羊山賊者潞州民陳卿陳綺也卿曾爲潞府長史
司吏以失志棄去與其子綺據青羊山寨爲亂名青
羊賊流劫潞州諸州及河南懷慶西撫常道請發三
關兵討之大敗執指揮秦訓知州王朝雍去道恐黎
城知縣王良臣請巡按穆相招卿益肆曰朝廷何
能爲分聚數萬人各據險隘有所謂魯班壑奔騰尖
縱口洪梯斗崖谷堆底門樓安陽諸名官軍不敢近

如是五年巡按蔣揚初赴任因復請討而賊勝近山
居民籍記編甲伍官兵屢敗廷議謂罷兵便卽不可
或仍用招撫惟楊一清持勦議張璉佐之始黜常道
代以僉都王應鵬同都督魯綱帥邊鎮諸兵進勦七
年八月綱以大軍駐潞安仍不敢進初賊聞師至豫
山山四掠本以觀變爲進退計至是乃大寇黎陽潞
城殺掠民畜燒焚屋廬千里內如蒸風捲浪所過傾
盪而後乃還保山險時河南林涉修武俱重被賊害
河撫潘瓊憤甚檄副使翟瓚牛鸞僉事陳大綱楊朝
誠督兵進勦翟瓚乃掩賊不備遽奔非關破魯班穿

腦據其內險賊迎擊敗之追至莎草嶺燒安陽等巢
趨李莊東賊且奔且戰塹乃磨兵搗老寨賊力不支
分其衆爲三官兵四集環破之擒賊帥殷得海等卿
窘甚乃詣陳大綱請降其餘賊奔石迓頭牛鸞盡殲
之而執其子綺與其弟陳奉陳訪陳諒等當是時魯
綱聞賊平揚兵同奏凱給事中夏言曰魯綱坐潞州
未嘗見賊而飛章告捷何也卽令言勘之八年言復
命并言潞地寬宜改州爲府而設縣于青羊山以鎮
之遂改潞州爲潞安府設長治縣附郭而割壺關潞
城黎城三縣地以立縣于青羊山曰平廣縣